


Sept



30-
459
C. 01

ADVIS
AVX TROIS ESTATS
de ce Royaume sur les bruits
qui courent à present de
la guerre ciuille.

⑦ *Foujte la copie imprimée à Bloys.*



A PARIS,

Chez PIERRE CHEVALIER ruë S. Iaques
prez les Mathurins à l'enseigne
S. Pierre.

M. DC. XIV.

AVEC PERMISSION.

X

TATAMOST X7A

of the ...

...

...

...

...

1614 odo

THE NEWBERRY
LIBRARY

...

...

...

...

...

...

ADVIS AVX TROIS ESTATS
de ce Royaume, sur les bruits qui cou-
rent à present de la guerre Ciuille.

MESSIEVRS, Il court mainte-
nant vn bruiet que Monseigneur
le Prince de Condé mal satisfait de
la Cour pour des causes secretes,
en est party, & s'est associé avec d'autres Prin-
ces & Seigneurs de ce Royaume, & tous en-
semble se sont depuis peu de iours assemblés
à Soissons, d'ou l'õ publie par tout (ie ne veux
pas asseurer que ce soit de leur part) car ie les
cognois trestous, ayant trop leur honneur
pour se forger legerement des mescontente-
mens & se d'es-vnir en ceste saison, qu'ils de-
mandent entre autres choses la destitution de
quelques Officiers, la recherche des financiers,
le soulagement du public, & vn meilleur or-
dre au maniment des finances & autres affaires
du Roy, c'est vn pretexte digne de donner des
ombrages, & auquel vn chacun de nous de-
uroit ouurir l'oreille & prester son consente-
ment, puis que l'on dit, qu'un premier Prince
du sang recherche que nous luy ayons cette
obligation qu'il y veut interesser & mesmes
(comme il est tres certain) que nostre neces-
sité ne peut quasi plus endurer de delay. La

4

France qui a iadis esté pour sa legitime liberté le mirouer des autres nations, est maintenant par vne diuine punition moleste de toutes sortes de subiections : Mais quelle imprudence feroit ce de s'embarquer dans des mauuais vaisseaux durant que le temps se prepare à l'orage & à la tempeste? & quel moyen de bien esperer de telles entreprises? puis que le Roy & la Roynes Regente qui sont nos pillores ne le trouuent pas bon & en ont fait vne despeche à Messieurs les gouuerneurs de Provinces que ie vous ay icy mise affin que vous y faictes consideration,

Ce 14. Feburier, 1614.

A V C L E R G E.

PRemierement, Messieurs les Ecclesiastiques, prenez garde à ceste despeche, il n'y a pas vn de vous qui ne sçache de poinct en poinct les articles de la derniere Ligue pour ne vous parler de plus loing, qui fust faite par plusieurs Princes & au deceu du Roy à Peronne en l'annee 1584. lesquels estoyēt si specieux, plausibles, & fauorablement receus & embrassés de tout le monde, qu'il sembloit (principalement à ceux de vostre ordre) que l'An-

ge de Dieu deuoit promptement exterminer
celuy qui contrediroit à leur progrez. Qu'en
est-il arriué apres quatorze ans de guerre bar-
bare & intestine & sans intermission, quelque
prudence & despence que les Papes, le Con-
sistoire, la pluspart des Princes del'Europe, &
presque vn chacun de vous autres. y ayez ap-
porté, rien, comme vous sçauiez, que l'aduan-
cement de l'heresie, la demolition des Tem-
ples, plusieurs communautéz priuees du ser-
uice Diuin, le chastiment honteux de quel-
ques Religieux, la mort precipitee des princi-
paux chefs & autheur d'icelle, la pauureté de
tout le Clergé de France par la vente de vo-
stre temporel, & vne telle confusion en l'ad-
ministration de vos affaires par les Economes
spirituels & temporels, pour les Titulaires ab-
sents, que les procéz en durent encores au
grand Conseil, & ailleurs. C'est par miracle
que ces malheurs sont passés & ont esté abo-
lis, non sans estonnement, par la generosité du
feu Roy d'heureuse memoire, qui a redressé
les Autels, & remis la Messe en vne douzaine
des plus fortes Villes de Frâce pour le moins,
ou il y auoit trente ans & plus qu'elle en estoit
ostee, vous-mesmes auez esté remis en vos Be-
nefices & Maisons, d'où le Canon vous auoit
chassez, tous ces desordres estoient deriuez
de ladite Ligue, source fatale de nos maux, qui

rendoit la France si debile, que si sa Majesté eust tant soit peu flechy aux efforts qui luy ont esté faits à son aduenement à la Couronne, nous estions à present estrangers dans nostre patrie, mais adite Maiesté bien assistee du S. Esprit, & bien serui de ses bons seruiteurs, traita avec ses subiects de suoyez de son obeissance, & avec les estrangers és années 1596. & 98. à la conseruation duquel traitté il vous a singulierement obligez pour les raisons cy dessus, & pour vous y auoir compris autant fauorablement que vous auez peu desirer, tant pour vostre soulagement, que pour la continuation de vos authōritez & franchises. Or Messieurs en recompence des peines de ce grand Prince, il vous a laissé ce precieux thresor de la Paix, qu'il a acquise avec son propre sang en particulier de poist, afin d'ayder de vostre part, comme premiers membres de ceste Monarchie Françoise, à la conseruer soigneusement, faites y donc vostre deuoir par vos pietez & bonnes instructions, en prenant le basage du Roy, pour vn tres ample subiect d'exercer vostre fidelité, & rendant au fils l'amour que vous deuiez au Pere, rendez aussi à vostre pays, ce que vous luy deuez, imitant en zele & prudence vos deuanciers, afin qu'à vostre imitation vn chacun se puisse renger à son deuoir.

A LA NOBLESSE.

MESSIEURS de la Noblesse, honorez les Princes à cause de leur qualité qui est la plus apparente qui soit parmy les hommes, & si vous auez l'honneur d'estre bien auprès d'eux ne vous en retirez iamais, Si vous ne cognoissez clairement qu'ils vueille faillir & decliner à leur deuoir enuers le Roy leur souuerain Seigneur & le vostre, car en ce cas la necessité de l'Estat vous dispence de vostre foy, Vous Messieurs qui estes le nerf de cet Estat sa force & son bouclier, Vous estes vous bien trouuez durant ladite Ligue d'auoir couru toute la France avec vos armies sur le dos & en la Cōpagnie des estrangers pour le soustien de quelques vns desdits Princes & pour leur seruice particulier, oubliant imprudemment celuy que vous deuiez à vostre Roy & à ceste Couronne, vostre honneur en est il acreu? vous ou vos Enfans vous estes vous esleuez aux premiers grades de l'Estat? vos noms en sont ils plus illustres? vos biens sont ils augmentez, vos debtes sont elles aquitès? n'auiez vous pas plustost empiré qu'amendé vostre condition? Ceste derniere Paix conclue à Veruins au mois de May 1598. ne vous a elle pas fait repentir du passé & cognoistre notoiremēt qu'il n'y a que blasme, reproche, apprehension, & infamies

pour les rebelles & factieux, cela vous a aussi appris par experience qu'il n'y a infortune plus extreme & que l'on doyue plus redouter que celle qui separe & esloigne les enfãs de l'obeissance du pere, & la Noblesse de celle de s^{on} Roy, Quand cela arriue, la Iustice Diuine permet que les vengeances s'exercēt sans exception d'aage de parenté, ny de qualite, par inhumains assassinats, dont vne partie des principales races de vostre corps est esteinte, surprises, sieges, demolitions, & bruslement de maisons, rauissement, & violement de filles & femmes, pillage de vos biens, les cāpagnes delaissees en deserts & rougies de vostre sang, la famine publique dōt la memoire nous est si fresche & presēte que si vous cognoissiez bien ce que vous estes & ce que vous pouuez, prenant garde au passé & au present, il n'y a persuasion, pretexte ou ambition de qui qui viue, qui vous puissent iamais tromper ny faire oublier que la plus meschante condition des humains est d'auoir des disputes domestiques, & anatheme qui les suscitera. Ces Princes que vous auez tant ayez que vous auez suyuis & couru si longuement leur fortune, ne vous ont-ils pas abandonnez en faisant leur accord avec le Roy, horsmis les abolitions qu'ils ont fait obtenir à quelques vns, ont-ils eu autre soin de subuenir à tant de ruynes que vous auez souffertes en vos maisōs

par

par quelques honestes gratifications, Lors que vous auez eu affaire d'eux pour appaiser vos querelles dōt vous n'estes que tropournis ou pour vos procez ciuils ou criminels ou quelques autres occasiōs, ne vous ont ils pas delaissez ou froidemēt assiste, si vous auez quelques foys recerché leur appuy aupres du Roy pour quelque Gouuernemēt, Capitainerie, Lieutenance ou autres biens faits n'auetzvous pas esté plus cōtent de l'accūeil que sa Maieste vous a fait, de sa franchise & liberté de parler a vous, de sa felicité à octroyer vos demādes, que vous n'auetz esté satisfaits d'eux qui ne vous presentoiēt que par maniere d'acquit, en fin Messieurs tel suport & amitié que vous auez eu cy deuant desdits Princes vous ne les deuez pas esperer autres à l'aduenir, Pourueu qu'ils cōtētēt leurs passions & qu'ils cherchent par vostre assistance leur fortune, ils n'ōt aucun soing de ce qu'il pourra arriuer en vostre particulier, ils vous caressent s'ils ont a vous employer, & si vous les priez ils vous meconnoissent, ils n'ont point d'Ange pour ouurir les portes lors que vous estes prisonniers pour l'amour d'eux, ils mettēt vos testes sur vn eschaffault pour garentir les leur. Vn Marechal de France grand Capitaine s'il en fut iamais y a mis depuis peu la siēne, pippé par des estrangers, que le Roy face confisquer vos fiefs ils ne vous baillerōt pas de leur

bien en recompense du vostre perdu, vn premier President d'une Cour Souueraine est presque reduit à l'aumosne, lequel fait moins de pitie a ceux qui sont cause de la pauureté qu'aux autres, outre ce que dessus representez vous Messieurs que le Roy est mineur, qu'il n'a que treize ans tantost accomplis, que vous estes les Tuteurs & conseruateurs naturels, & par-tant que vostre seruice ne luy doit iamais manquer tant en ceste cōsideratiō que pour l'estroite obligatiō qu'un chacun de vous doit auoir à la memoire de ce grād Capitaine le feu Roy son Pere, qui par sa vertu & courage incōparable a fait acquerir à la plus part de vous autres, les armes à la main en pleine campagne, a la veüe de Paris & ailleurs contre les rebelles & estrangers, l'hōneur d'auoir esté le salut de vostre pays, soyez le encores maintenant selon les occurrences de peur que ce los ne perisse. Au reste puis qu'en nos actiōs priuees, nous ne voulons point de commandement expres n'y particulier de persōne en tout ce que nous voyons pour nous de l'vtilité & du profit estāt en cela maistres de nostre conduite, faites en de mesme, tesmoignez vostre generosité sās attendre des prieres ou des remōstrances du Roy, & ve⁹ gardez sur tout que quelque pretexte qu'il pourroit aduencer ne vous separe ou desbauche de vostre deuoir, voyez soigneusement la

lettre que la Royne regente vous escrit & fuyez toutes autres recherches, cōme escueils tresperilleux, le sçay cōme vous, que nous auons à nous plaindre de ce que la vertu, l'expériēce, les ser- uices & mesme la fidelité sōt sans estime & mal recōpeniez à cause de la venalite & cōmerce de toutes les charges de ce Royaume, qui est vn meſnage ou auarice que les guerres passees de la Ligue, du bien public, & de la reformatiō, en la conduite des affaires nous ont vally, & en sçau- uez tres bien la cause, toutesfois procedons en nos plaintes cōme nos predecesseurs nous ont appris, presentōs nous avec de treshumbles Re- questes, lors que nous aurons l'honneur d'estre conuoquez, comme sa Majesté Regente nous en a fait l'ouuerture par sadite lettre, & nous as- seurons qu'elles seront volontiers veües & cō- senties par le Roy, sadite Majesté Regente, & Nosseigneurs du Conseil, pourueu qu'elles soyent modestes & raisonnables: Ce n'est pas à nous à cōstituer vne reformation ou vn sou- lagement, mais a le requerir & desirer, & suiuant ce chemin nous ne pourrons iamais nous four- uoyer.

A V P E V P L E.

PEUPLE, Je vous diray que l'obligation que i'ay a leurs Majestez pour leurs grati-

fications, ne m'a fait ny au Clergé, ny à la Noblesse, ny à vous autres, escrire toutes les precedentes & subsequentes considerations: Car pour ma fortune: *Collocatus sum in obscuris sicut mortui seculi*: : ains comme subiect tres-humble de leurs Maiestez, Inthimement affectionné à ma patrie, & aprehendant que nous ne soyons à l'aduenir, comme nous auõs iadis esté la risée & la pitié de tous nos voyfins, & mesmes des Barbares, m'ont induit à contribuer à la continuation de la paix, ce qu'un bon & naturel François y doit: Vous elcoutez attentiuement tout ce qui se dit des affaires d'auourd'huy, & apprenez grandement les allarmes que l'on vous en dõne, ie vous assure que c'est avec raison, & vous aduise que vous y estes les plus interessez, & si vous ne trauallez à bon escient à esteindre ce feu tandis qu'il sallume ou qu'il se couue, vous en ferez les premiers embrasez, & seruirez s'il croist d'auantage comme vous auez autresfois faict, de matiere pour le faire durer: Iugez tous les inconueniens qui en peuuent arriuer, & vous assurez que comme peuple vous ferez aux champs & dās les Villes la butte ou se frapperont les coups de collere & d'insolence, de l'amy & de l'ennemy, du François & de l'Estrāger, souuenez vous que le mespris que vous auez fait par le passé de l'autorité Royale, le respect & la creāce que vous auez

euë aux chefs de party qui vous auoient fermé les yeux & subornez par leurs blandices & pre-
 texte de Religiõ ou de bien publicq, & nous a-
 uoiët prodigieusement diuisez, ontourny dar-
 gumēt a toutes les Tragedies qui se sont passees
 en France & a nostre veüë, dont il vous est de-
 mouré comme aux autres par leur longueur &
 vostre opiniatreté des playes tres malaisees a
 guerir, ausquelles il y a neantmoins quelque
 amandement par les salutaires remedes qui y
 ont esté apliquez par le feu Roy tres excellent
 Medecin, d'auoir comme il a fait, sauué la vie
 à nostre pais, & recouuert comme grand Capi-
 taine cette Monarchie perdue, lesquels cõtinu-
 ront si Dieu plaist par sa Maiesté, si seulement
 vous demeurez constamment ses fidelles sub-
 iets & seruiteurs & pour vous y astringre tou-
 siours d'auantage, representez vous deuant les
 yeux vos miseres passees, les labeurs infinis, les
 perils, & la clemence de Henry III. duquel
 l'on peut dire,

*Queris Henrico parem
 Nemo est nisi ipse.*

Et que L O V I S son Fils n'a fait nul desplaisir
 à aucun de vous autres, & lequel pour nostre
 bonheur aproche de l'aage qu'il pourra faire
 du bien a tout le monde, & se faire craindre, &
 punir les seditieux: Ce faisant vous quitterez
 bien tost les armes que vous auez à la main qui

ne vous font que desbaucher de vostre travail
& aduortrez les desseings qu'on pourroit for-
mer sur vostre faeilite & inconstance accoustu-
mee, il c'est offert des occasiōs d'alterer la paix
depuis la deplorable mort de ce grand Prince
Henry IV. que Dieu absolve : si la Roynie
Regente ne si fust courageusement & sagemēt
opposee, iusques a present nous en sōmes en
possession par son soing & vigilance, ne soiez
pas de vostre part si inconsidererez d'en perdre la
iouissance, & tous ensemble rendōs a toutes
mauuaises pratiques rendōs nous capables du
repos ou nous sōmes, acquis par tant de sang.
Premierement par nos bonnes prieres enuers
Dieu, affin qu'il conserue le Roy, duquel par
moyēs humains deppēd le salut de nous tous,
par correction de nostre vie, & puis apres par
vne obeissance & fidelite exemplaire enuers
leurs Maiestes, affin que ce florissant Royaume
ne se deschire ou dissipe de nostre tēps, & que
nous ne soyōs point accusez par nostre poste-
rite, d'auoir esté ministres ou adherans a de si
pitoiables effets qui peuuēt arriuer d'un renou-
uellement de trouble, ou trop negligens cōme
nous pourrions reprocher à nos peres de n'en
auoir pas sceu arracher les racines des le com-
mencemēt, Cōme vous voyez il ny eut iamais
regēce plus exempte de guerre & moins gar-
nye de teneurs de chemins pour empescher le

commerce & d'aller & venir seurement que ceste cy, aydons trestous de cœur & d'entiere affection à sa Maiesté regente, de continuer de bien en mieux, elle vous escrit la lettre suivante à laquelle vous vous arresterez sans chercher autre party.

Aux Officiers de la Couronne.

VOUS NOSSEIGNEURS les Officiers de la Couronne & de la iustice, qui estes l'œil, la bouche & la main de nostre Prince, & le puiot del'Estat, donnez de bons Conseils à sa Majesté sur toutes les occurréces qui se presenteront, gardez bien de deffaillir à vous mesmes, faites exactement obseruer les Loix & Ordonnances de cette Monarchie, & chastiez par les mesmes Loix tous ceux qui y contreuiendront, sans exception n'y acception, car ordinairement la punition de quelques peruers & meschans, asseurent les gens de bien, & vrais François, & donnent terreur aux autres.

